



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-I/25-1-40-101-11/21**  
Datum: **25.01.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica JKP Vodovod i kanalizacija d.o.o. Sanski Most, za izdavanje prethodne vodne saglasnosti za zahvatanje vode na izvorištu Dabar u količini od 100 l/s te izgradnju transportno gravitacionog vodovoda u vodnom dobru rijeke Sane (vodotok I kategorije), na osnovu člana 121. stav 3. Zakona o vodama („Službene novine Federacije BiH“, broj 70/06) i člana 67. stav 2. Zakona o upravnom postupku („Službene novine Federacije BiH“, broj 2/98 i 48/99 ), donosi

## ZAKLJUČAK

**Odbacuje se** zahtjev pravnom licu JKP Vodovod i kanalizacija d.o.o. Sanski Most, za izdavanje prethodne vodne saglasnosti za zahvatanje vode na izvorištu Dabar u količini od 100 l/s te izgradnju transportno-gravitacionog vodovoda u vodnom dobru vodotoka rijeke Sane (vodotok I kategorije), na području općine Sanski Most, zbog nepotpunosti dokumentacije i smatra se kao da nije niti podnesen.

## O b r a z l o ž e n j e

Pravno lice, JKP Vodovod i kanalizacija d.o.o. Sanski Most obratilo se ovoj Agenciji aktom broj: 03-02-196/21, dana 07.01.2021. godine, zahtjevom za izdavanje (produženje) prethodne vodne saglasnosti za aktivnost izgradnje vodozahvatnog objekta i transportno-gravitacionog vodovoda od zahvata na izvorištu Dabar do objekta za tretman vode za piće Zdena, a za potrebe uključivanja novih 100 l/s vode u sistem vodosnabdijevanja stanovništva i privrede općine Sanski Most

U provedenom postupku, uz zahtjev za izdavanje prethodne vodne saglasnosti, broj: 03-02-196/21 od 07.01.2021. godine, dostavljena je i pregledana slijedeća dokumentacija:

- Kopija rješenja o prethodnoj vodnoj saglasnosti, kojim se investitoru JKP „VODOVOD I KANALIZACIJA“ d.o.o. Sanski Most daje prethodna vodna saglasnost za aktivnost izgradnje vodozahvatnog objekta i transportno-gravitacionog vodovoda od zahvata na izvorištu Dabar do objekta za tretman vode za piće Zdena, a za potrebe uključivanja neophodnih 100 l/s vode u sistem vodosnabdijevanja stanovništva i privrede općine Sanski Most; izdano od strane Agencije za vodno područje rijeke Save Sarajevo pod brojem: UP-I/25-1-40-617-7/17, dana 08.01.2018. godine,
- Ovjerena kopija Aktuelnog izvoda iz sudskog registra, Matični broj subjekta upisa: 1-5248/00; izdan od strane Općinskog suda u Bihaću dana 24.04.2019. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza; izdano od strane Uprava za indirektno – neizravno oporezivanje Bosne i Hercegovine pod brojem: 04/1-UPP/1-25800/07, dana 07.09.2007. godine,
- Ovjerena kopija Uvjerenja o poreznoj registraciji; izdano od strane Federalnog ministarstva finansija – financija, Porezne uprave Federacije BiH, Kantonalnog poreznog ureda Bihać, dana 09.08.2017. godine,

Uvidom u navedenu dokumentaciju je utvrđeno slijedeće:

- podnosilac zahtjeva obratio ovoj Agenciji zahtjevom za produženjem važnosti prethodne vodne saglasnosti izdane od strane ove Agencije dana 08.01.2018. godine pod brojem UP-I/25-1-40-617-7/17.

- Zahtjev, broj: 03-02-196/21 je podnosilac zahtjeva datirao sa 07.01.2021. godine, dok je isti zaprimljen u ovoj Agenciji dana 09.03.2021. godine.
- Uvidom u žig pošte Sanski Most, koji je otisnut na koverat kojim je zahtjev proslijeđen prema Agenciji i zaprimljen u istoj, konstatuje se da je isti poslan dana 08.03.2021. godine. Također, u prilogu zahtjeva su i ovjereni dokumenti:
  - Aktuelni izvod iz sudskog registra,
  - Uvjerenje o registraciji/upisu u Jedinstveni registar obveznika indirektnih poreza,
  - Uvjerenje o poreznoj registraciji,
 svi ovjereni na dan 04.03.2021. godine.

Sukladno članu 111. Stav (3) Zakona o vodama je definirano da rješenje o prethodnoj vodnoj saglasnosti prestaje da važi u roku od tri godine, ukoliko u tom roku nije podnesen zahtjev za izdavanje vodne saglasnosti, a isto je navedeno u tački 5. izdanog rješenja o prethodnoj vodnoj saglasnosti.

Budući da je istekao rok važenja izdanom rješenju o prethodnoj vodnoj saglasnosti te da ne postoji pravna mogućnost produženja važenja roka istom, ovaj organ je pokrenuo novi postupak izdavanja prethodne vodne saglasnosti za predmetnu aktivnost.

Nakon uvida u dostavljenu dokumentaciju ova Agencija je obavijestila podnosioca zahtjeva službenim putem, dana 12.04.2021. godine, da je predmetni zahtjev nepotpun te da podnosilac zahtjeva treba da u roku od 30 (trideset) dana, od dana prijema obavijesti, dopuni podnesak zahtjeva sa:

- Dokaz o uplaćenju administrativnoj taksi / upravnoj pristojbi
 

|                        |   |                                                                  |
|------------------------|---|------------------------------------------------------------------|
| Svrha uplate           | : | izdavanje vodnog akta                                            |
| - Prilamac             | : | Budžet F BiH                                                     |
| - Uplata na račun broj | : | Union banka d.d. Sarajevo; 102-050-00001066-98                   |
| - Vrsta prihoda        | : | 722112                                                           |
| - Iznos uplate         | : | 80 KM za Prethodnu vodnu saglasnost                              |
| - Uz zahtjev priložiti | - | naljepiti markice Federalne administrativne takse u iznosu 3 KM, |
- Kopije Zemljišno-knjižnih izvadaka za predmetne parcele na kojima je predviđena gradnja dijela predmetnog infrastrukturnog objekta u vodnom dobru i/ili plavnom području (izdani od strane nadležnog Zemljišnoknjižnog ureda Općinskog suda),
- Kopije Kopija katastarskog plana predmetnih parcela sa izvodom iz posjedovnog lista, na kojima je predviđena gradnja predmetnog infrastrukturnog objekta u vodnom dobru i/ili plavnom području, izdanu od strane općinskog organa uprave nadležnog za katastar, sa upisanim podacima o nekretnini, posjedniku i dr.,
- Pregledna situacija terena sa ucrtanom lokacijom u mjerilu 1:1000 – 1:5000,
- Mišljenje o usklađenosti planiranih aktivnosti sa dokumentima prostornog uređenja, izdano od strane organa uprave nadležnog za prostorno planiranje.
- Potvrda operatora javnog gradskog vodovodnog sistema da planirana aktivnost nije u koliziji sa zonama sanitarne zaštite izvorišta vode za javno vodosnabdijevanje, odnosno da nije u koliziji sa izgrađenom vodnom infrastrukturuom.
- Studija za izdavanje prethodne vodne saglasnosti za aktivnost zahvatanja vode na predmetnom izvorištu, urađena od strane pravnog lica sa ovlaštenjem Federalnog ministarstva poljoprivrede, vodoprivrede i šumarstva (lista A).
  - Sastavni dio studije treba da bude i Elaborat o obezbjeđenju ekološki prihvatljivog protoka nizvodno od vodozahvata, te mogući negativni uticaji zahvata na izvorište.
  - Ukoliko trasa planiranog cjevovoda, od vodozahvata na izvorištu Dabar do objekta za tretman vode za piće Zdena, prolazi dijelom kroz vodno dobro, plavno područje ili preko vodotoka I kategorije (u ovom slučaju rijeka Sana), studijom je potrebno obraditi i taj segment uticaja planiranog cjevovoda na vode i vodno dobro, odnosno uticaja voda na planirani cjevovod.

Podnosilac zahtjeva je upozoren da ukoliko u predviđenom roku ne izvrši traženu dopunu podneska, zahtjev će mu biti odbačen zaključkom protiv kojeg je dopuštena posebna žalba, a sve u skladu sa članom 121. stav (3) Zakona o vodama.

Kako podnosilac zahtjeva u datom roku nije izvršio dopunu podneska zahtjeva, istom je pismenim putem, dana 14.05.2021. godine proslijeđena urgencija za dopunu podneska zahtjeva, po prethodno proslijeđenoj obavijesti.

Dana 19.05.2021. godine podnosilac zahtjeva je upotpunio zahtjev sa:

- Popratni akt broj: 03-02-196/21 od 16.04.2021. godine,
- Kopija naloga za plaćanje upravne pristojbe,
- Kopija naloga za plaćanje federalne administrativne takse,

- Kopija Kopije katastarskog plana, Katastarska općina Čapljje; izdana od strane Općinske službe za geodetske i imovinsko-pravne poslove dana 28.11.2017. godine,
- Kopija Kopije katastarskog plana, Katastarska općina Kijevci I; izdana od strane Općinske službe za geodetske i imovinsko-pravne poslove dana 28.11.2017. godine,
- Kopija Kopije katastarskog plana, Katastarska općina Krkojevci; izdana od strane Općinske službe za geodetske i imovinsko-pravne poslove dana 28.11.2017. godine,
- Kopija Kopije katastarskog plana, Katastarska općina Krkojevci; izdana od strane Općinske službe za geodetske i imovinsko-pravne poslove dana 28.11.2017. godine,
- Šematski prikaz trase na katastarskoj podlozi,
- Kopija Mišljenja Nosioca izrade Prostornog plana Unsko-sanskog kantona za period od 20 godina; izdano od strane IPSA INSTITUTA d.o.o. Sarajevo pod brojem: 45/20, dana 09.02.2020. godine,
- Kopija kratkog opisa iz Prostornog plana Unsko-sanskog kantona za period 2012.-2032. godine, urađenog od strane IPSA INSTITUTA Sarajevo u maju 2017. godine,
- Kopija Nacrta finalnog izvještaja konsultantske usluge za Studiju izvorišta sirove vode u Sanskom Mostu, Bosna i Hercegovina; urađen od strane Phare Environmental Consortium Denmark,
- Potvrda operatora javnog gradskog vodovodnog sistema, kojom se potvrđuje da planirana aktivnost nije u koliziji sa zonama sanitane zaštite vode za javno vodosnabdijevanje, odnosno da nije u koliziji sa izgrađenom vodnom infrastrukturom; data od strane JKP „VODOVOD I KANALIZACIJA“ d.o.o. Sanski Most pod brojem: 03-02-196/21/p.op, dana 15.04.2021. godine,
- Kopija Hidrološke analize slivnog područja vrela Dabar sa preliminarnom procjenom minimalnih proticaja; urađena od strane Preduzeća u mješovitoj svojini za istraživanja, studije, projektovanje i konzalting „ZAVOD ZA VODOPRIVREDU“ d.d. sa p.o. SARAJEVO, juna 1997. godine, u Sarajevu,
- Kopija elaborta - Bojenje ponora kraške depresije kod Lušci Palanke; urađeno od strane Republičkog hidrometeorološkog zavoda Sarajevo, maja 1970. godine, u Sarajevu,
- Studija za prethodnu vodnu saglasnost projekta vodovoda za „uključenje neophodnih 100 l/s iz izvorišta Dabar u sistem vodosnabdijevanja Sanskog Mosta, urađena od strane Instituta za građevinarstvo „IG“ d.o.o. Banjaluka pod brojem: IZ-IGBL-1881/17, maja 2017. godine (vraćena podnosiocu zahtjeva uz obavijest o dopuni podneska zahtjeva broj: UP-I/25-1-40-101-5/21, dana 02.06.2021. godine).

Uvidom u dopunu dokumentacije konstatirano je da je zahtjev samo djelimično dopunjen.

Naime, priložen je neovjeren Zemljišnoknjižni uložak katastarske čestice izvorišta rijeke Dabar. Priložene kopije Kopija katastarskog plana se odnose na dio vodotoka (lijeva i desna strana) rijeka Sane i Dabra, a tražene su kopije samo za dio vodnog dobra i plavnog područja vodotoka I kategorije (rijeka Sana), u kojem je predviđena trasa predmetnog cjevovoda.

Prema članu 139. stav (1) tačka 1. Zakona o vodama, Agencija za vodno područje je nadležna za zahvatanje vode u količini većoj od 10 l/s. Pored toga, članom 17. stav (1) tačka 1., 15. i 16. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19 i 41/20) je definirano da je Agencija nadležna i za izdavanje vodnih akata i za: - zahvate i izgradnju objekata javne infrastrukture u javnom dobru vodotoka I kategorije, odnosno za radove koji mogu imati specifične uticaje na vode navedene u članu 109. stav (2) Zakona o vodama.

Na osnovu naprijed navedenog, a prema prethodno proslijeđenoj obavijesti trebalo je dostaviti kopije Kopija katastarskog plana i ZK uloške za katastarske čestice na kojima je predviđena izgradnja samog objekta vodozahvata te katastarske čestice vodnog dobra i plavnog područja rijeke Sane (vodotok I kategorije, u nadležnosti Agencije), samo za dio u kojem je predviđeno polaganje trase predmetnog cjevovoda.

Da bi se utvrdilo koje su katastarske čestice u vodnom dobru i plavnom području rijeke Sane, mora se uraditi situacija trase na katastarskoj podlozi sa ucrtanim linijama vodnog dobra i plavnog područja rijeke Sane. Takva situacija mora biti sastavni dio Studije za izdavanje prethodne vodne saglasnosti, odnosno istom bi se morale identificirati takve katastarske čestice te mjere za sprečavanje štetnog uticaja na vode, odnosno štetnog uticaja voda na predmetni objekt, što kod dostavljene studije (Studija za prethodnu vodnu saglasnost projekta vodovoda za „uključenje neophodnih 100 l/s iz izvorišta Dabar u sistem vodosnabdijevanja Sanskog Mosta, urađena od strane Instituta za građevinarstvo „IG“ d.o.o. Banjaluka, pod brojem: IZ-IGBL-1881/17, maja 2017. godine) nije slučaj.

Studijom nije definiran način zahvatanje vode niti položaj u prostoru vodozahvatnog objekta (katastarska čestica na kojoj je predviđena gradnja vodozahvatnog objekta, situacioni prikaz pretpostavljenog objekta, i sl.), samo je navedeno da je predviđen kaptažni objekt. Istom nije niti spomenut moguć uticaj zahvatanja vode na ekološki prihvatljiv protok vode rijeke Dabra, i sl.

Nadalje, priložena je kopija Nacrta finalnog izvještaja Studije izvorišta sirove vode u Sanskom Mostu, Bosna i Hercegovina, urađen 17. jula 1998. godine, od strane Danskog ekološkog konzorcija Phare, u formatu manjem od A5 (na list formata A4 su kopirane dvije stranice navedenog nacrta studije). Navedeni prilog je dat u mjerilu u kojem nije vidljiv niti čitljiv.

Isto se odnosi i na prilog – kopiju Hidrološke analize slivnog područja vrela Dabar sa preliminarnom procjenom minimalnih proticaja, urađenom od strane Preduzeća u mješovitoj svojini za istraživanja, studije, projektovanje i konsalting „ZAVOD ZA VODOPRIVREDU“ d.d. p.o. Sarajevo, juna 1997. godine, u Sarajevu.

Navedeno se odnosi i na prilog – kopiju „Bojenje ponora kraške depresije kod Luči Palanke“, urađen od strane Republičkog hidrometeorološkog zavoda Sarajevo, maja 1970. godine, u Sarajevu.

Nadalje, vezano za naprijed navedene priloge, ističemo da je članom 112. stav (4) Zakona o vodama, definirano da se za pogone, postrojenja i aktivnosti koji moraju proći proceduru procjene uticaja na okoliš, uz zahtjev za izdavanje vodnog akta podnosi i studija o uticaju na okoliš, u skladu sa odredbama Zakona o zaštiti okoliša.

U vezi s tim, članom 4. stav (1) tačkom dž), podtačkom 32. Pravilnika o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Službene novine Federacije BiH“, broj: 19/04 i 1/21), je definirano da se proceduru uticaja na okoliš mora proći za aktivnost apstrakcije podzemnih voda ili vještačko ponovno punjenje podzemnih voda gdje je godišnja zapremina vode koja se apstrahuje ili ponovo puni veća od 3 miliona m<sup>3</sup>. Zahvat vode od 100 l/s prekoračuje navedeni prag.

Uvidom u priloženu dokumentaciju utvrđeno je da je predmetni zahtjev i dalje nepotpun u smislu člana 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata te je podnosilac zahtjeva, dana 02.06.2021. godine, pismenim putem obavješten da isti dopuni u roku od 60 (šezdeset) dana, od dana prijema zahtjeva sa:

- Kopije Zemljišno-knjižnih izvadaka za predmetne parcele na kojima je predviđena gradnja dijela predmetnog infrastrukturnog objekta u vodnom dobru i/ili plavnom području vodotoka I kategorije – rijeke Sane (izdani od strane nadležnog Zemljišnoknjižnog ureda Općinskog suda),
- Kopije Kopija katastarskog plana predmetnih parcela sa izvodom iz posjedovnog lista, na kojima je predviđena gradnja predmetnog infrastrukturnog objekta u vodnom dobru i/ili plavnom području vodotoka I kategorije - rijeke Sane, izdanu od strane općinskog organa uprave nadležnog za katastar, sa upisanim podacima o nekretnini, posjedniku i dr.,
- Pregledna situacija terena sa ucrtanom lokacijom u mjerilu 1:1000 – 1:5000 (DWG format),
- Studija za izdavanje prethodne vodne saglasnosti za aktivnost zahvatanja vode na predmetnom izvorištu, urađena od strane pravnog lica sa ovlaštenjem Federalnog ministarstva poljoprivrede, vodoprivrede i šumarstva (lista A).
  - Sastavni dio studije treba da bude i Elaborat, odnosno osnovni podaci o minimumu ekološkog protoka na vodozahvatu te uticaj zahvata na izvorište.
  - Ukoliko trasa planiranog cjevovoda, od vodozahvata na izvorištu Dabar do objekta za tretman vode za piće Zdena, prolazi dijelom kroz vodno dobro, plavno područje ili preko vodotoka I kategorije (u ovom slučaju rijeke Sane), studijom je potrebno obraditi i taj segment uticaja planiranog cjevovoda na vode, odnosno uticaja voda na planirani cjevovod,
  - Osnovne podatke o samom vodozahvatnom objektu (vrsta vodozahvatnog objekta, položaj istog u prostoru – situacioni prikaz objekta vodozahvata na katastarskoj podlozi, i sl.),
  - Situacioni prikaz trase cjevovoda, sa ucrtanom linijom vodnog dobra i plavnog područja rijeke Sane (ako je ista predviđena u vodnom dobru i plavnom području rijeke Sane).
  - za općinu Sanski Most je urađen i dostavljen općini Elaborat vodnog dobra rijeke Sane, a za podatke o stogodišnjim vodama se može obratiti ovoj Agenciji.
- Studija uticaja na okoliš, urađena u skladu sa propisima zaštite okoliša, na način kako je to definirano od strane Federalnog ministarstva okoliša i turizma.

Na navedenu obavijest je predstavnik podnosioca zahtjeva reagovao dana 11.06.2021. godine putem e-maila, negodujući zbog tražene dopune podneska zahtjeva obrazlažući to dostavljenom dokumentacijom, navođenjem slučajeva izuzetaka u određivanju ekološki prihvatljivog protoka, slučajeva isključenja obaveza pribavljanja Studije uticaja na okoliš kada se vrši prenos vode za piće cijevima, odlukom o proglašenju stanja prirodne nesreće uzrokovano pojavom korona virusa (COVID 19) te vanrednim okolnostima i slično (kopija e-mail u prilogu).

Sa istim je dana 22.06.2021. godine obavljen telefonski razgovor (sastavljena službena zabilješka, broj: UP-I/25-3-40-101-7/21) te mu odgovoreno slijedeće:

- Studijom treba da se da podatak da je zahvaćena godišnja količina vode manja od 3.000.000 m<sup>3</sup> na godišnjem nivou (u pristiglom e-mailu, predstavnik podnosioca zahtjeva je naveo da zahvatanje vode na predmetnom izvoru iznosi maksimalno 100 l/s, međutim da se neće konstantno zahvatati istim intenzitetom) te da u tom slučaju ne treba raditi Studiju uticaja na okoliš.
- Podaci o Ekološki prihvatljivom protoku, koji su dati elaboratima urađenim od strane Zavoda za vodoprivredu i drugih obrađivača, treba da su sastavni dio sadržaja Studije za izdavanje PVS, koja se prema Pravilniku o sadržaju, obliku i načinu izdavanja i čuvanja vodnih akata prilaže uz zahtjev za izdavanje prethodne vodne saglasnosti.
- Transportni cjevovod od vodozahvatnog objekta do objekta za obradu vode nije predmet izdavanja vodnog akta izuzev trase koja se nalazi u vodnom dobru i plavnom području vodotoka I kategorije – rijeke Sane.

Dana 28.07.2021. godine, podnosilac zahtjeva se aktom broj: 03-02-196/21, pismenim putem obratio molbom za produženje roka od 90 dana za dopunu podneska zahtjeva prema obavijesti broj UP-I/25-1-40-101-5/21 od 02.06.2021. godine.

Podnosiocu zahtjeva je usmenim putem odobreno traženo produženje roka od 90 dana o čemu je sastavljena službena zabilješka broj: UP-I/25-1-40-101-8/21, dana 28.07.2021. godine.

Kako podnosilac zahtjeva nije dopunio podnesak zahtjeva u produženom roku, sa istim je obavljen telefonski razgovor o čemu je sačinjena službena zabilješka broj UP-I/25-1-40-101-9/20, dana 08.12.2021. godine. Podnosilac zahtjeva je zamolio da mu se da još vremena za dopunu podneska zahtjeva, odnosno izradu dopune Studije prema datim primjedbama.

Podnosiocu zahtjeva je dana 09.12.2021. godine proslijeđena urgencija za dopunu podneska zahtjeva sa rokom od 30 dana, od dana zaprimljene obavijesti.

Obzirom da podnosilac zahtjeva nije dopunio zahtjev u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama i člana 67. stav 2. Zakona o upravnom postupku riješeno kao u dispozitivu ovog zaključka.


#### **Uputa o pravnom lijeku:**

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 (petnaest) dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

**Po ovlaštenju**  
**Rukovodilac sektora za izdavanje vodnih akata**  
  
  
**Haris Ališehović, dipl. inž. građ.**

Dostaviti:

- JKP VODOVOD I KANALIZACIJA d.o.o. Sanski Most, Meše Selimovića bb, 79 260 Sanski Most
- ➔ AVP Sava – ISV – Vodna knjiga
- Sektor 40 - arhiva
- oglasna ploča AVP Sava